

Адями косытэк но лыдзиськоз

Анна ЗАЙЦЕВА,
Вавож ёросысь
Гурезь-Пудга школаысь
11-тй классын дышетскись

Кыче со - туалалитература? Кинъёс сое кылдыто? Туала гожъяськисъёс пöлысь туж яратисько лыдзныны Полина Гладышлэсь но Екатерина Звонцевалэсь книгаоссэс. Полина Гладышлэсь - со ик Ли Виксен, вордскемын Удмуртиын - «Лисий чертог» трилогизэ огкутскемен лыдзи. Нош Екатерина Звонцева - Эл Ригби - «Иди на мой голос», «Завтра нас похоронят», «Десятый Король», «Капитан Два Лица», «Ночь за нашими спинами» но мукет тунсыко произведениослэн авторзы луэ. Кыкеныз ик соосын герзаськылй вотэс бамъёс пыр, тунсыкъяськылтисъёс юанъёсме сөйти.

- Тйляд вань псевдонимъёсты, кызы соос кылдйзы?

Полина:
- Книгаме поттон вылысь «АСТ» издательствоын собеседование пыр ортчиско вал. Со вакытэ вань авторъёс кунгожсьорлы тупась псевдонимъёс басытылызы - книгазэс вузаны озы капчигес, пе. Мон но адзем кари: Ли - нимысьтым оглюкетэз, Виксен - англи кылын «зичы» шуэм луэ.

Екатерина:
- О-о, мынамо но озы луиз. Мынэсьтым но книгаме поттыны малпазы со сериын ик, куда вань авторъёс иностранной псевдонимъёсын - со сыче тренд вал. Нимы «Битлз» группалэн «Элеанора Ригби» кырзанэз бордысь потэмын. Оскиско, та кышномуртлы сярсысь, мыным öжытак тросгез удалтоз шуыса.

- Кызы вордско тйляд историосты но геройёсты?



Эл Ригби (Екатерина Звонцева).

Полина:
- Мон туж эшъяськиско «Online-БЕСТСЕЛЛЕР» издательской сериын гожъяськисъёсын. Адзиско: одйгъёсызлы, гожъяськон мылкыдзэс жутон понна, улонаны маке но воштыны кулэ луэ, кылсярысь, көня ке улоно гуртын, тэльёслы но луджёслы матын - Софи Авдюхина но Марина Козинаки озы каро. Нош мынамо ваньмыз радъяське, ачиз йырам лыктэ, ужаны ноднод пуксиско ке. Соин ик геройёс вордисько жок сёры пуксыкум гинэ - кулэезъя.

Екатерина:
- Мон нырысь ик йырам бергатыны кутскиско кыче ке тунсыко фильмес, зэм со юдылэмын луэ. Но отын вань ни ваче верасконъёс, образъёс но мукетъёс. Соя ик гожтыны кутскиско аслэсьтым историме. Тйни озы, нырысь учкиско фильм, собере гожтысько сценарий - улоннын бен озы уг луы.

- Геройёстылэн прототипъёсы вань-а?

Полина:
- Геройме тросэз чöшато Дисней мультфильмысь Муланэн. Нош мон малпамъя, со матын луэ Надежда Дурова кавалеристлы. Огкылын вераса, писатель со сыче машина-генератор, кудыз аслыз мылкыд шедьтэ фильмъёсысь, литератураысь, анимеысь, видеошудонъёсысь, газетъёсысь... Вань кылэм-адзем, огъя фарш луыса, берло ни пöрме кыче ке но выль книгалы. Соин ик уг луы чылкак шуыны, произведениысь геройёс улоннысь кыче ке но одйг образлы тупало.

Екатерина:
- Нош мынамо книгаосам вань зэмос улоннысь адямиос, кылсярысь, берпуметй потэм «Иди на мой голос» романам валтйсь персонажъёс луо Моцарт но Сальери композиторъёс. Потэ вал вераме соолэсь историзэс, но со дыре ик со пöртэмгес мед луоз А. Пушкинлэн «Моцарт и Сальери» пьесалэсь. Озы ик, али гожтыськисъёс «Серебряная клятва» книгае вералоз фантазийной государствон война сярсысь - со көня ке но кельшоз Россилэн XVII даурлэн



Ли Виксен (Полина Гладыш).

историезлы. Озыен, историез сак тодйсь адями Иван Грозныйлы, Сигизмунд корольлы но со вакытысь мукет тодмо адямиослы матын луысь геройёсты адзоз, дыр.

- Лыдэ басытискоды-а лыдзисьёстылэсь мылкыдзэс?

Полина:
- Уг, мынамо лыдзисьёсы кылдйзы соку, куке 3-тй книгаме гожтысько ни вал. Ноку но уг луы ваньмызлы кельшыны, соин ик мон гожтысько сое, мар аслым кельше.

Екатерина:
- Мынамо потысал ке кинлэсь ке малпанэз лыдэ басытэме, аслым соавтор утчасал.

- Вань-а асыгэлэн яратоно геройёсты?

Полина:
- Öвöл, котькуд героелы сюлэмам инты шедёз, урод сямоезлы гинэ но - со сярсысь но мон ас пыртйм поттыса гожтысько ук.

Екатерина:
- Мынамо но геройёсы пöлын öвöл сыгёосыз, кудъёссэ адземпотостэм кариско.

Котькудиз героелы монэ асме ик малы ке но дышетэ, секыт дыръя мылкыдме жутэ. Озы ке но, мон уката синмаськиско военнойёслы, полицейскойёслы но политикъёслы - та шöдиськытэк уг кылы книгаосам. Соослэн ужзы туж секыт угосъ.

- Кызы егитъёсты лыдзиськон борды кысконо?

Полина:
- Кулэ-а нош соосты кужмысь лыдзиськытыны? Али сыче вакыт, куке тодон-валан, книга лыдзиса сяна, мукет амалъёсын но басытыны луэ: вань, кылсярысь, YouTube, социальной сетьёс. Адями - туж тунсыко маке, со книга лыдзйтэк но, пöртэм учыръёсыя кужмо эксперт луыны быгатэ. Мон малпамъя, книга - со ваньмон дырез радъяны тунсыко амал. Романъёс, веросъёс, выжыкылтёс, кызы классика, озы ик туаласыз - соос выль дуннеосты усътыны юртто. Соин ик вазь-а, бер-а, адями косытэк но ачиз куке но соку книга кутоз. Луоз-а со «Гарри Поттер» яке кыче ке но мукет книга - пöртэмез öвöл.

Кытысь тон, Мурзилка?

ен но Мария Лукашинаен - пумиськон. Со радъяськис П. Чайковскийлы сйзем литературной фестиваль улсын.

Пичи дыръям мон «Мурзилка» журналэз лыдзныны туж яратисько вал. Соку йырам юан öз кылдылы, кин со - журналлэн выльбамаз суредам пуштрес чуж гоно герой? Нош али, Мурзилкаен пумиськон азын, тунсыко потйз - кытысь со потэмын но кыче выжысь луэ?

«Мурзилка» журналлы туэ 16-тй мае 95 ар тырмиз. 2011-тй арын журнал Гиннеслэн рекордъёсын книгаяз пыр-

тэмын вал - со, пе, нылпиослы изданиос пöлысь тужгес кема потйсез луэ. Нош 1924-тй арын писательёс но суредасысь, нылпиослы журналэз кылдытыкузы, солэн нимыз сярсысь кема малпаскиллям. Кинлэн ке тодаз лыктйллям революцилэсь азыллы потам книгаосысь геройёс - адямины тупась, нюлэскын улйсь пичи макеос. Одйгезлэн нимыз Мурзилка вылэм: со, пе, фрак но монокль нуллэ вал, кияз шоголь боды вылэм. Мурзилкалэсь нимзэ басытйллям, но туссэ воштйллям. Нырысьвалысь сое я адями, я гном, я пуны тусын суредалляллям.

Дыр ортчемен, со журналлэн бамъёсаз шергес поталлям, борысь воксё йшем.

Но редакция малпам: журналлы одно ик герой кулэ. Соин 1937-тй арын редакцилэн куремезъя тодмо иллюстратор Аминадав Каневский (со К. Чуковскийлэн, С. Маршаклэн, зуч классикъёслэн нылпиослы произведениоссылы суредъёс лэсьямын) Мурзилкаез суредам. Героз бадзымъёслы но, пиналъёслы но ярам. Та дыроз трос иллюстраторъёс выльдылызы ини Мурзилкалэсь образзэ, но валтйсез öз воштйськы. Горд беретэн но шарфикен чуж

пуштгырес герой журналлэн тодметпусез луиз.

«Мурзилкалэн» авторъёсыз И. Антонова но М. Лукашина вераскизы нылпиослы журнал бордын ужлэн аспöртэмлыкъёсыз сярсысь. Со сяна, гожъяськисъёс асылэсь произведениоссэс лыдзисы. И. Антонова «Мурзилкалэн» валтйсь редакторезлэн воштйсез луэ, со сяна, проза, «Ералаш» киножурналлы но «Спокойной ночи, малыши!» передачалы сценарийёс гожъя. М. Лукашина нылпиослы веросъёс, кылбуръёс, пьесаос гожъя, дышетскыны юрттысь книгаос дасы.



Виктория КРАМОВА
25-тй куартолэзе Ижысь Национальной библиотеказын ортчиз нылпиослы «Мурзилка» журналлысь гожъяськисъёсын - Ирина Антонова